




錢子測語 下

412
26
2





門 4 12
號 26
卷 2

錢子測語卷下

海鹽錢琦公良撰
四明沈明臣嘉則校

歛精

亢倉子云、道筋骨則形全、剪情欲則神全、靖言語則福全、

燎原之火、星星也、干霄之木、菁葱也、故曰、圖大於微、知著於細、

左傳曰、思其終也、思其復也、思其反也、人能每



事即始慮終則必無悔吝之及

凡智不深則非智、勇不沈則非勇、深所以藏智、而出之使不測、沈所以養勇而發之使必遂、故荆卿傳曰、其為人智深而勇沈、有味乎、其言之也、

清福上帝所吝而習忙可以銷福、清名上帝所忌而得謗可以銷名、

人世事譬之閒雲在天、浮漚在海、起滅何常、儻不參透此關、鮮不墮煩惱障中矣、

張子言、下視則心柔、柔則敬、顏子四勿、首視攝心、以謹視爲第一、故左傳曰、視高則離其目、陰符經曰、機在目、釋氏多以耳根圓通得道、而目力圓通則少、如十六觀經、全是以心攝目也、治家有二字符、曰勤、曰儉、夫孳孳乎種德、布惠而後爲勤、淡淡乎聲利、不好而後爲儉、今之所謂勤儉、貪且吝耳、清苦固是佳事、然亦不可過、天下豈有薄於自待而能厚於待人者乎、

人生一日、或聞一善言、見一善行、行一善事、此日方不虛生、遇富貴人、宜勸他寬、見聰明人、宜勸他厚、

人常想病時、則塵心漸減、人常想死時、則道念自生、

遠公云、古人不愛尺璧而重寸陰、觀其所以存、似不在長年耳、故能履順而遊性、乘佛理以御心、復何羨於遐齡、

唐人春遊、以牡丹爲勝賞、劉涓邀客、乃繫水牛

百頭於前曰、此劉氏黑牡丹、余謂牛之用固十倍牡丹、不過孔僅卓王孫之見、若能種德務施、非函關上乘青牛、老人不足以語此、

由外以之內、而內禍生焉、其惟目乎、由內以之外、而外禍生焉、其惟舌乎、

君子不可以不忍也、忍欲則不屈於物、忍劇則不擾於事、忍撓則不折於勢、忍窮則不苟於進、故曰、必有忍、乃有濟、

荀子曰、強本而節用、則天不能貧、養備而動時、

則天不能病、脩道而不貳、則天不能禍、

欲界無邊、宅畔有宅、田外有田、官上有官、身後有身故、家彌大、經營亦大、位彌高、願望亦高、失隴望、隴得隴望、蜀世短、意長、翻不如三家村裏省事、漢撤脫

君子多思、不若養志、多言、不若守靜、多才、不若蓄德、

伯淳謂琴聲可以禁邪、磬聲可以養心、有聲之樂亦不可無也、然惟聽之者何如耳、

善治國者、不忌危、善養生者、不諱死、故能遷咎延譽、轉禍爲福、

居官箴、清慎勤三者、余謂惟慎則自防也、嚴慮事也、周處事也、敏而清、與勤兼得之一、或不慎、雖有冰蘖之操、夙夜之勤、未免有過中失正之事、孔明亦云、先帝知臣謹慎、是慎爲尤要也、范文正公謂子弟曰、西都士大夫園林相望、爲主人者、莫得常遊、而誰獨障吾遊者、吾今年踰六十、乃謀治第、顧何待而居乎、

康節云牡丹含蕊爲盛爛熳爲衰故富貴到極處而始收斂晚矣、

執盈玉者弗失以縱步失之馳峻版者弗失以康衢失之敬與不敬故也、

鯤鵬六月息故其飛也能九萬里仕宦無息機不什則蹶矣、

雞犬之專智人弗若矣牛馬之專力人弗若矣駢焉而爲人用而無弗悉也用天下者乃恒有所弗悉何也、

圓照禪師見飯僧者告之曰汝先養父母次辦官租如欲供僧以有餘及之古人透徹佛事故能爲此不作佛事語、

杯酒破利名寸心集古今惟達人可語此處事貴熟思緩處熟思則得其情緩處則得其當、

矜持太過者不可謂之敬然猶勝於放肆枯寂太過者不可謂之靜然猶勝於勞擾

楊邃庵身不踰中人而開府鎮邊驅使數十萬

金一漢言 卷一 五 二五十六
貌貅不翅三尺童孺才氣有大過人者其言曰
無事常如有事時隄防有事常如無事時鎮靜
始知其從心上用功也
士君子氣易動心易逃專爲立界墻全體面六
字斷送一生夫不言堂奧而言界墻不言心腹
而言體面皆是向外事也

鑒遠

天下之禍不生於逆生於順劔楯矛戟未必能
敗敵金繒玉帛每足以滅人之國霜雪霾霧未
必能生疾聲色游畋每足以殞人之軀
世運盛衰各含機藏隙盛者得衰而變之功在
創始衰者自盛而沿之弊由趨下
紉蘭握瑾誨妬之良媒耍津利孔招怨之危幟
絃談鯁論騰謗之健駟方人擬物反刺之銛刃
是以君子網盛彩而不揚履幾望而知戒

人不求福斯無禍人不求利斯無害故曰福爲禍先利爲害本

齊王出遊遇齊女癯瘠採桑命載後車女曰女母在堂而隨王是奔女也王安用之末世仕宦以鑽刺代蹇脩者才智雖高文華雖麗不若此醜女多矣

昔陳仲子妻有云熱於就名者必先冷羶於附利者必先淡山雞之爲天下賤者恒見也威鳳之爲天下貴者不恒見也今世無過人之才而

逐逐仕進行將躓矣

孫叔敖曰吾爵益高吾志益下吾官益大吾心益小吾祿益厚吾施益博可以免於患乎

管仲之與鮑叔知深矣及將死而不欲委鮑叔以政曰其爲人也善善而惡惡謂其量之隘也然能出管仲於死同爲卿讓之四十一年而無倦色不亦賢乎

漢儒有言曰富貴無暴集之客貧賤無棄舊之賓原其所以來則知所以去吾嘗味於斯言而

知友道之薄、自古爲然矣、

蘇秦之爲合從也、合天下之異以爲同、聯六姓之疎以爲親、可謂事之甚難者、當是時、秦人併吞之勢已形、六國之君舍合從之外、亦未有他策、秦適逢其機、故不旋踵、遂合於一、惜乎秦徒押闖其說、以利啗六國、爾天下大勢利害所在、彼固不能深言之也、及張儀連衡之說行、從約遂解、六國日趨於亾矣、

博浪一槌、子房不必論、始皇大索十日、卽止、亦

見英雄收放處、婁道人云、盧仝茶歌、飲到七碗、自然當、有箇結局、不然此詩無了期矣、始皇極麤悍、却得此意、故至威不褻、

蕭何動用智數、如治未央宮、可見後高祖果以爲壯麗、其籌之固熟也、

世有恒言、陸博無休勢、仕宦亦無休勢、予以士君子可仕則仕、可止則止、有大道存焉、以仕宦爲樗蒲者、忘其大敗也、

北山黃公善醫、先寢食而後藥石、汾陰侯生善

筮先人事而後說卦

人之將病於不嗜食而知國之將亾於不嗜賢而知

勿謂柔可欺於泥之中或藏利錐勿謂剛無害巨闕之鏗遇石亦碎故禍常發於所忽之中亂常起於不足疑之事

張湯杜周皆武帝時酷吏觀班史所載湯坐誅周幸免同惡異報始甚疑之及考史記言田仁刺舉三河時河南河內太守杜周子弟皆下吏

誅死然後信禍福果不可逃安可不鑒

榮盛之家矯情生焉敗亾至矣貧賤之家畏懼生焉人才出矣

脩身行義儉約恭敬其或無福禍必不至驕傲侈泰離度絕理其或無禍福亦不至

開國起家莫不由於祖父之勤儉敗國亾家莫不由於子孫之奢惰故易曰子克家詩曰繩其祖武

諸葛亾而蜀亾非徒亾蜀也又亾魏何也諸葛

沒而懿之智日練而望日重也。纂本成矣。張九齡謂李泌曰。蚤得美名必有所折。夫藏器於身。古人所重。况童子邪。

嬰兒之病多起於食。貴臣之禍多起於寵。

孫登謂嵇康曰。子識火乎。用光在乎得薪。所以保其曜。用才在乎識物。所以全其年。今子才多識寡。難乎免於今之世矣。

座有佳賓。家雖貧。吾知其必與門。無國士。族雖大。吾知其必敗。

顏之推云。人足所履不過數寸。然而咫尺之途。必顛蹶於崖岸。拱抱之梁。必沉溺於川淵者。爲其傍無餘地也。君子之立。已抑亦如之。

薄福者必刻薄。刻薄則福亦薄。厚福者必寬厚。寬厚則福亦厚。

王安石行新法。衆議騰沸。明道獨曰。天下事非一家私議。願平氣以聽之。使宰相如明道。何以有熙寧之紛。更使諸君子如明道。何以有紹聖之反噬。

恩讐太分明、恩者令人不足德、而讐者適足令人畏、故王旦云、好人懷惠、又欲人畏威、皆大臣所宜避、

康節云、善人固可親、未能知、不可急合、惡人固可踈、未能遠、不可急去、

司馬溫公曰、受人恩而不忍負者、其爲子必孝、爲臣必忠、

呂東萊云、凡治事有涉、須平心看理之所在、若自見得無理、只須作尋常公事看、斷過後不須

拈出說、今之犯權貴取禍者、坐不知此耳、

申黃云、明不觸物、此言極有味、若洞然燭他人之惡、不隨他轉而已、此外不宜發明太盡、聖門惡訐爲直、以此、

朱子言、天公有記性、無急性、無有感不應者、余謂善惡吉凶是一氣、感召終不可逃、

宋之浮論、甚於戰國之橫議、流禍之烈、甚於晉之清談、今之士、往往掇拾其說、以立道學門戶、不亦陋乎、

韓魏公於小人之欺終不道破苟許其情則激而怨不中傷不已也古來豪傑敗於小人者多昧此幾魏公之智遠矣

正統土木之變于肅愍曰吾國已有君矣日治兵不少懈是以虜情破而不及禍正言若反知其意者鮮矣

言無隱而不聞行無微而不著詩曰鼓鐘於宮聲聞於外言當慎也

宸濠之變余同年許忠節公達不屈挺立受刑

見者壯之其父家居聞江西有變殺一憲副輒爲位易服而哭人恠問之曰必吾兒也此其素志已而果然知子莫若父信哉

近日邊防廢弛將吏偷安平居玩愒度時有事張皇失措譬如濱河而居者不能豫築堤防一旦水滂奄至則挈家室避之矚水退復還歲歲遷徙苟延支吾謀國如此可謂踈矣
凡物無聚則無散聚不極則散不重可爲積聚者藥石

祝虛齋先生官工部時有以金罍私先生者先生固却之後受賄者坐累先生竟免故曰慎初之道勝

人皆貴一旦之浮爵輕喬松之永延不知春華至秋不得久茂語云女愛不及席男歡不畢輪知言哉

語云賀者在門弔者在途弔者在門賀者在途士大夫可以深長思矣

有所不爲試於得失辭受之際無所用耻驗諸

妻子僮僕之間

文天祥陸秀夫張世傑殺身以成仁舍生以取義參天地而獨立亘萬古而不朽三人之歿不同而同其心夫豈有爲而然哉
輕諾者必寡信易從者必多違

向子平云富不如貧貴不如賤第未知死何如生以余念之死生初無二道存吾順事斯沒吾寧矣

劉屏山以不遠復爲平生三字符復者生生之

金一海言 卷一
意無時無處無之於絕而續於終而始故曰復
其見天地之心

張用晦性清約人譏其太儉曰由儉入奢易由
奢入儉難今世奢靡極矣然上人能身先敦朴
則下自化於儉故朴乃上古渾淪元氣儉乃後
代返元良藥

方矯亭嘗云小人如虎狼蛇蝎殆又甚焉虎狼
之威蛇蝎之狀人皆知其足以害已深避而預
防之小人則心如虎狼其貌騶虞念如蛇蝎其

言鸞和人不知其將害已而狎之鮮弗及矣
今人畧記文字徼倖高科入朝則吮癰舐痔招
權納賄居鄉則囑託公事吞虐細民縱酒漁色
瀆亂彝倫大敗風俗天下安得不亂
容貌端雅而小人者有矣未有容貌險側而君
子者也

規世

處順多喜心、驕習之所由起、處逆多厭心、怨習之所由起、賢聖之心如止水、或順或逆、處以理而不以習、豈以自外至者爲憂樂哉、

見辱於市人、越夕可忘、見羞於君子、累世不泯、此大丈夫當履道秉德、免筆誅口伐於葦門圭竇之間、

白沙混於泥塗、不濼自污、青蓬育於麻圃、不扶自直、欲知善惡、由於所入、

標梅直言其意無顧忌無文飾此婦女明潔之心今人祇以文飾詞說衷曲蔽矣

西周之迹熄而鄭衛之風行故再醮之婦釐裝以自悅五姬之女冶容以媚人而亦有綠蘿之傾惟陽是向芳梅之隕於春未知彼所謂女中錚錚不爲風所風者也

老萊子云可食以酒肉者可加以鞭撻可受以官祿者可隨以斧鉞

人之功名謂之會者聚也聚必有散譬諸晏客

有三爵而去者有留連終夜斗落參橫尚未去者視主人意耳仕宦行藏大率類此識破此機局則去留何必介意哉

陳搏云優游之所勿久戀得意之所勿再往孔子曰邦有道危言危行今人不喜人言見人張拱深揖訥訥不吐詞則目爲老成又不喜人直遇事圓巧委曲則目爲善處轉相則效翕然風靡爲士者口無公是公非後進承訛踵弊不復知有言行之實矣

喜時之言多失信怒時之言多失體

善譎浪好恢諧雖取快一時亦傷厚道揚隱微
談中弄雖雪忿一朝終損陰德

富兒因求宦傾貲汗吏以贖貨失職初皆起於
慊其所無而卒至於喪其所有

嗜欲之人語之富貴利達則悅語之貧賤憂戚
則拂衣而去好名之人語之誇大侈靡則悅語
之恬淡隱約則拂衣而去故曰魚相忘於江河
人相忘於道術

圯上老人謂張良曰兩眉致其美於人而人卒
不以眉爲功眉無事也孺子居功其以眉乎十
指貢其傷於人而人卒不以指爲怨指無心也
孺子處怨其以指乎

韓信初謁高帝登壇數語便欲裂地封侯厥後
堅拒蒯通厚酬漂母平生心事具見乃良平不
援大義以告高帝徒躡足附耳開其疑隙良平
之過也

大臣急於順主所以缺經國之遠猷庶官巧於

取名所以鮮脩職之實抱

人於居安時未知其安及濱危難始知是以君子居安慮危則庶乎免其危

先儒有曰人臣建策效計當原其心誠爲國耶策雖未就君子與之心不在國假善以濟其私功雖幸成君子不與

漢高帝踞洗見英布旣而就舍皆王者之供帳嫚罵以辱趙將而隨以千戶封之先儒呂氏乃曰用不測之辱施不測之恩顛倒豪傑莫知端

倪此帝所以能鼓舞一世也愚謂漢得天下率賴韓信彭越黥布之力而卒以誅夷其待功臣亦少恩矣

待富貴人不難有禮而難有體待貧賤人不難有恩而又難有禮

懷璧之子未必能惠人競親之者有惠人之資也被褐之士身儉能施人皆踈之者無濟人之具也

做人念頭重做官念頭輕則禍福不足動心做

官念頭重、做人念頭輕、則毀譽常足隳志、
勢利有時銷歇、天理無時泯沒、何趨勢利者衆、
存天理者寡、

爵祿之崇卑、國之所以榮辱、士士不可以此榮
辱其身、

近世諂瀆成風、士氣卑陋、勢之所在、則望風拜
塵、心有所求、則俛首喪魄、下以此事、上以此
責、下上下下、交相諂瀆、士風喪矣、

宦情太濃、則歸時過不得、生趣太濃、則死時過

不得

做官當如將軍對敵、做人當如處子防身、將軍
失機、則一敗塗地、處子失節、則萬事瓦裂、

處貴而驕、敗之端也、處富而奢、衰之始也、去驕
懲奢、其惟恭儉乎、

君子之仕也、官不擇崇卑、行吾志而已、事不擇
難易、盡吾職而已、或從容於尊俎、或經營於四
方、隨其所遇、皆足以樹勲、當時垂聲後世、

仕之溺人、猶水之溺人、水之溺人人知避之、仕

之溺人窳名潰節相繼於前不惟不知避反濡足褰裳以就之孟子所謂載胥及溺者也

為民父母者苟利於己不顧害切於民求己之名不計事無益於實此民所以日困世所以不治

人言破家縣令滅門刺史強宗豪右常誦此言庶不作姦犯科縣令刺史不可自存此心庶免罔民虐下

范甯嘗謂王弼何晏罪深桀紂蔑棄典文幽沉

仁義游詞浮說波蕩後生使縉紳之徒翻然改轍以至禮壞樂崩中原傾覆遺風餘俗至今為患桀紂縱暴一時適足以喪身覆國豈能迴百姓之視聽哉故吾以為一世之禍輕歷代之患重自喪之惡小迷眾之罪大

邇來士風澆薄侈靡浮蕩大抵富貴功利之習糊人心目如處豐蔀中舉眼皆蔀是以迷惑顛倒莫知抵止非先知先覺者孰能出之溷穢轉之清流

國家以經術造士其法正矣但士之所以自求於經者淺也不務實造於理而徒務取給於文文雖工術不正而行與業隨之矣

今之仕者重進士之科得者侈然若有餘不得者歎然若不足由君子觀之直如博者之於梟有幸不幸耳士顧以是自為輕重世亦從而輕重之非惑歟

柳玘戒子弟曰凡門第高可畏不可恃立身行已一有所失則得罪重於他人門高則驕心易

生族盛則為人所嫉懿行實才人未之信小疵纖失眾皆指之故膏粱子弟學宜加勤行宜加勵僅得比他人爾

衣冠之族以清白遺世為本務要恬穆省事凡貪戾刻薄之夫皆不宜與之相接

君子德優於才或事不能舉訟不能聽小人才優於德或見事風生片言折獄無才者其殃民淺有才者其殃民深

崔玄暉母盧氏曰仕宦者將錢物上其父母今

則悉入私帑矣。程子曰：閭閻小民得一衣食必先父母，今則先妻子矣。此皆風俗之寢下者，今且不能及，况其善者乎。

處妻妾貴和而敬，御僕隸貴慈而莊。

夫衣食之源本廣而人每營營苟苟以狹其生，逍遙之路甚長而人每波波急急以促其死。治人者必先自治，責人者必先自責。成人者必先自成。傳曰：惟無瑕者可以戮人。

唐李涉贈盜詩曰：相逢不用相迴避，世上如今

半是君。劉伯溫詠梁山泊分贓臺詩云：突兀高臺累土成，人言暴客此分羸。飲泉清節今寥落，何但梁山獨擅名。元末貪吏亦唐之比乎。漢書云：吏皆虎而冠。史記云：此皆劫盜而不操戈矛者也。皆此意也。

臨財無苟得，臨難無苟免。其無也不在臨，如臨則已晚矣。

柳宗元告薛存義云：吏於土者，民之役也。非以役民也。蓋賤氓傭諸人，一直而已。士傭於官者

寵以章服、逸以車馬、饌以廩餼、居以潭邃、從以卒隸、輿臺乃漁焉、獵焉、草菅然、雜焉、民之役也、固如是哉、

小人專望人恩、恩過不感、君子不輕受人恩、受則難忘、

盧坦云、凡居官廉、雖大臣無厚蓄、其能多積者、必剝下以致之、如其子孫善守、是天富不道之家也、不若恣其不道、以歸於人、

柳世隆云、一身之外、亦復何須、子孫不才、將爲

爭府、如其才也不如一經、

陸慧曉云、貴人不可卿、而賤者乃可卿、人生何容置輕重於懷抱、終身常呼人位、

晉樂書郤芮之後、淪於輿皂、唐房玄齡、杜如晦、子孫至操觚而乞、門第高可畏、不可恃、誠哉是言也、

韓退之二子、縮衮皆擢第、衮爲狀元、退之名若山斗、而世不知有狀元、衮者以此知科名不足恃也、

陳秀公以丞相治第極為閎壯宅成疾甚惟肩輿一登西樓而已人謂之三不得居不得脩不得賣不得

世人盡好高堂華服不知堂愈高則去頭愈遠服愈華則去身愈外故布袍容膝儘有得處林昉云人有殘縑敗素繪一山一水愛之若寶售之必千金至日與真景會曾不涉趣無乃貴偽而賤真耶今世俗好名墨而多獲贗本卒至敗家又其甚矣

蘇子曰木有癭石有暈犀有通以取好於人皆物之病也

古之學者為己其仕必為人今之學者為人其仕必為己學者為人天下無實學仕者為己天下無善政

范文正公曰言欲遜遜免禍行欲嚴嚴遠侮人能三復而力行則內不失己外不失人庶幾君子

古人帶經而耕負薪而誦今人飽食煖衣自暇

自逸者何衆、古人聚螢映雪、卷舒簡編、今人明
窗淨几、玩時愒日者何衆、古人負笈從師、不遠
千里、今人賢父兄教之不從、或閭里有賢師友
而不知親者何衆、

文天祥少游廬陵忠節祠、欣然慕曰、死不俎豆
其間、非夫也、後果以精忠大節著、是以人貴感
發興起、

倪文節公云、富貴自詩書中來、子孫享富貴則
賤詩書、家業自勤儉中來、子孫受家業則忘勤

儉、

盧毓云、名不足以致異人、而可得常士、常士畏
教慕善、然後有名、非所當疾也、

振饑者與以徑寸之珠、孰若與以一簞之食、拯
溺者與以方寸之玉、孰若與以一葉之匏、

會中丞銑欲復河套、雖過於擔當、要之可矜、不
可廢、可獎、不可殺、臺省無一人敢言何也、秦殺
二十九人、猶有茅焦不意當代、謹言如此、

余同年呂涇野嘗言、御史有九病、見善忘舉者、

妬知惡不効者比依違是非者譎借公行私者
佞意存覬覦者狡懼禍結舌者偷指摘疑似者
刻怒人傲已蓋其所長而論者忿喜人奔競護
其所短而薦者貪惟開誠布公九病可勿藥而
愈

君子不以已所能者病人不以人所不能者愧
人

捏造歌謠不惟不當作亦不當聽徒損心術長
浮風耳

鄉飲酒禮乃國家之盛典近世視為貨市登請
索輿馬之費相接有贄見之儀宴畢計酬謝之
禮一餐入腹囊金盡空進登几筵出遭唾罵本
是榮舉反見窘辱不肖者重賄藉榮賢者聞風
遠遜

凡人夢富貴則喜夢貧賤則憂夢中之憂喜宜
也及其惺猶皇皇然卜吉凶焉夫以惺時之富
貴貧賤而皇皇卜之於夢何耶故必破惺夢之
關者庶超於富貴貧賤之外

無基厚墉圯傾立至器小受鉅覆滿隨因

富貴功名上者以道德享之其次以功業當之
又其次以學問識見駕馭之其下不取辱則取
禍

君子易疎而難親不惟小人畏之雖君子亦或
遠之小人易親而難疎不惟小人比之雖君子
亦或近之惟仁人能辯之而不可眩

三姑者尼姑道姑卦姑也六婆者牙婆媒婆師
婆虔婆藥婆穩婆也蓋與三刑六害同也人能

遠之如蛇蝎庶乎淨宅之法

於有事時求無事於有過中求無過此盛世之
事於無事時要求有事於無過中要求有過此
衰世之事

有一言而傷天地之和行一事而損終身之福
切須檢點

泛交則多費多費則多營多營則多求多求則
多辱

翟公曰一歎一生乃見交情與生歎富貴貧賤

而更者世俗之交情不與生死富貴貧賤而更者士君子之交誼、

好譽者常謗人、市恩者常奪人、其傾危一也、

邵文莊公曰、人當爲真士夫、不當爲假道學、今之爲道學者、不過假是名以覆短駭俗耳、其誰信之、

人知忠孝節義之有報、則人倫篤矣、知殺生之有報、則暴殄弭矣、知冤對之有報、則世讐解矣、知貪謀之有報、則併吞者惕矣、知功名之前定

則奔競者息矣、知婚姻之前定、則踰牆相從者寡矣、

羅仲素云、人若一味見人不是、則到處可憎、終日落嗔火坑塹中、如何得出、故每事自反、真一帖清涼散也、

近世風俗寢薄、而士習益變、曲跽爲恭、厚貌爲信、喜怒相疑、愚智相欺、誕澆以言而險德以行、士處此世、如入百戲之場耳、目眩惑、安望其能砥行立名、以風夫稱士者、

元元貞二年、雙燕巢於燕人湯佐宅、一夕家人
舉燈照、蠶驚墮、猶食之、雌彷徨悲鳴不已、朝夕
守巢、哺諸雛、成翼而去、明年來復棲舊巢、人視
巢有二卵、疑其更偶、徐伺之、則抱昔之殼、爾自
是去來、凡幾載、人目爲貞燕、

成化六年、淮安鹽城大蹤湖漁人見鴛鴦交飛、
獲其雄烹之、雌戀戀飛鳴、竟投沸湯中而死、漁
人棄羹不食、人稱之曰烈鴛、

嘉靖丙戌余入

觀歸阻風、白洋河有二鶴巢

於樹巔、同行郡幕舟子孫連射其一、取四卵、其
一飛繞、哀鳴復射之、後至鄱陽湖、孫被賊殺、投
屍水中、余感其事爲賦、詩云、石尤風阻客歸期、
水遠天長欲渡遲、差可林高容鶴集、那因巢破
使人悲、雕弧已落雲邊羽、驚夢猶棲月下枝、精
衛謾云填海去、啣環黃雀是當時、
鷹鷂取弱禽、回翔而集、不顧遇彘兔、益其欲、既
足遂止、乃人縱欲無厭、囊橐既盈、猶日營營、是
又鷹鷂之不如也、

梟謂鳩曰鄉人皆惡我鳴我欲東徙以辭子鳩
曰子能更鳴乎曰不能然則東人亦惡子之聲
矣然梟聲難變而人之惡行可改鳩爲梟計欲
其更鳴吾爲人計欲其去惡

導儒

蒙金以砂錮玉以璞珊瑚之叢必茂重淵夜光
之珍以頷驪龍物之精華天地所秘惜余意文
章亦然、

君子之學務求在己在己則觸境皆仁雖毀譽
榮辱之來非獨不動心且資之以爲切磋砥礪
之地若聞譽而喜聞毀而戚則將皇皇於外何
以爲學故老子曰強其骨弱其腹、

讀書不獨變人氣質且能養人精神蓋理義收

金一源詩
卷下
三十
攝故也。

子貢問於孔子曰學何患曰患一蹴有竹焉穿
林破土一蹴而至其杪豈不速哉無可爲復矣
又問曰學何以日以漸有木焉日一毫月一寸
歷數十年而後干霄蔽日豈不遲哉其進未已
矣。

莊子云人而不學謂之視肉學而不行命之撮
囊。

安期美門不可見神僊之名存屈宋班馬不可

見文章之名存然則文章與神僊相爲永世者
故曰富貴有時而盡榮樂止於其身未若文章
之無窮。

晏子曰爲者常成行者常至嬰非有異於人也
常爲而不置常行而不休者故難及也。

曾見賢人君子而歸乃猶然故吾者其識趣可
知矣。

孔子以齊景公與伯夷叔齊較量最是提省人
心學者於義利緊關處極力研析使不爲一切

俗情所轉庶幾有首陽之意

昔西門豹佩韋以自寬宓子賤帶弦以自急人能改身之恆斯爲天下名士

君子稱人之善而非譽也折人之過而非毀也欲其勸善而改過也小人不然善則忌之過則揚之

賢人之言未必可盡信愚人之言未必可盡棄賢人或有爲而言之愚人或千慮而一得

孔子曰斯民也三代之所以直道而行也不說

士大夫獨拈民之一字却有味

張曜云左氏之書備叙言事惡者可以自戒善者可以庶幾非欲詆訶古人得失也

凡人未讀盡天下書不可輕議古人然真能讀盡天下書者益知古人不可輕議後生嘵嘵只坐胸中書少耳

訓格之言不得暫捨可以鏤於骨書於紳淥於神薰於識所以楚莊王輕千乘之國而重申椒一言范獻子賤萬畝之田而貴舟人片說

學必講而後明然必下學入事乃上達天理若只談性命道德良知靜坐口堯舜而行盜蹠何異口頭禪耶

不學之謂貧無成之謂賤心死之謂天失身之謂無後

劉向外傳云上元夜人皆游賞向獨在家讀書太乙神以青藜照向

功名富貴之於人如飄風過耳浮雲過目玩弄未幾而溘焉以去自古及今消沉磨滅何可勝

數孰如道德功業之可以垂諸不朽哉

史記以弘邁為格而其中未嘗不約束左氏以約束為體而其中未嘗不弘邁此冠古異才人何可及

漢趙嘉與兄子書曰大丈夫遁無箕山之操仕無伊周之勲天不我與復何言哉可立一圓石於吾墓門側刻之曰漢有逸民姓趙名嘉有志無時命也柰何

荀子曰君子能為可貴不能使人必貴已能為

可用不能使人必用已斯不易之論也

緩行徐言不可遽謂有德之士多能辦事不可
遽謂有才之人

語云士脩之於家而壞之天子之庭亦曾有脩
處今不過算計功名而已豈讀書亦壞心術者
耶

不好名者斯不好利好名者好利之尤者也
君子不可有世俗之情然亦不可不知世俗之
情有世俗之情則不能處已不知世俗之情則

不能處人

騏驥不遺能於伯樂良寶不藏耀於下和是以
輝光夜射價連秦趙飛駟絕影終朝千里物尚
有之士亦宜然

文莫盛於退之文體則變詩莫盛於子美詩體
則變文必以六經爲準秦漢次之詩必以三百
篇爲準漢魏次之舍是雖工猶爲棄源尋委舍
根培枝况未工者乎

韓退之云化當世莫若口信來世莫若書噫此

可爲知者道也。

讀書必先從理，從理則學達書言也。理心也是，故得心則忘言。

作字者貴摹古，不摹古猶木之無本、水之無源也。又貴於忘古，不忘古縱筆，筆相肖，祇字之奴耳。

文有二病：模倣多則牽合而傷跡，結構易則麤縱而弗工。

魏照求入事，郭泰供給灑掃，云：經師易獲，人師

難遭，欲以素絲之質，附近朱藍。

昔人云：見黃叔度，使人鄙吝盡消。又云：見魯仲連、李太白，使人不敢言名利事。此二者亦須於自家體貼。

嚴君平賣卜，與子言：依於孝與臣言，依於忠與弟言，依於弟。今之士大夫講道學者，不可不味此意。

古人爲學，初時卽留心天下在行己之志，所以皆有實用。如宋時學者未出仕，卽學兵法，蓋以

復讐爲念近日進士觀政尚不肯理會天下事
所以今不逮古

陶靖節之乞食而詠邵康節之微醺而吟非有
所自得者能若是乎

康節先生隱居博學尤精於易輒能前知其始
學之時睡不施枕者三十年先哲苦心如此
溫公謂子公休日賈豎藏貨貝儒家惟此書當
知寶惜吾每見汝輩多以指爪撮起甚非吾意
今浮圖老氏猶知尊敬其書豈以吾儒反不如

乎

爲學以變化氣質爲先氣質高明者口多易言
身多易動宜變而爲渾厚氣質沉潛者當言或
默當動或靜宜變而爲高明

黃山谷云子弟諸病皆可醫惟俗不可醫余謂
獨有書可醫胸中俗氣

王君大曰能觀千劍則能曉劍諺曰習伏衆神
巧者不過習者之門

司馬光生平無不可對人言者只一語了却一

生

程門文字不脫訓詁家風蘇門文字不脫縱橫
氣象程之訓詁理皆切實然無象外之玄蘇之
縱橫勢含飛動然長狙詐之習

文章有五經左史若只以時代歐蘇韓柳論覺
千古文字寂寥李北地曰西京而下無文矣豈
擡舉當世乎余以文章關氣運詞人如候蟲秋
氣蕭條何能復發春鳥之鳴

陸游讀御製蘇軾贊有曰手抉雲漢幹造化機

氣高天下乃克之爲信乎文章功業直以氣勝
之耳

學者採子史不循經典掇華菁不究根荦騰口
說不敦踐履競圓融不厲廉介此亦今之大弊
也

薛子曰失心之言荒以肆無檢故也怠行之言
易而罔不試故也

內不足者一言一行便生得色內有餘者掀天
蓋世視若浮雲

金一洞詩 卷一
三五十
陳白沙云士從事於學功深力到華落實存乃浩然自得不知天地之爲大死生之爲變况於富貴貧賤功利得喪詘信予奪之間哉

人有貪而富者富者未必貪也有廉而貧者貧者未必廉也

心之鄙者不可與論君子之達觀質之愚者不可與論君子之通變

古之教者植身教而文字之教舉學者尊德業而文字之業從今之教者反所植而身教踣學

者反所尊而德業廢故古今之教名一而致殊古今之學名同而業異

今天下士好高騖遠謀唐虞論道德離臣言忠遠子言孝豈知堯舜之治以濟衆爲心孔孟之道不離日用脩臣之常職卽是忠脩子之常職卽是孝何必蒐奇索隱趨周文貌尼父謂之道德耶

始學之要必須省除外事除一事則增一段靈光靈光聚而所守固矣

贊

贊曰閱翁茲語研理探化覈事挾情有卓而雋
有鴻而衍有密而沉有爛而顯有讜而適有夷
而婉有渾而懿有石而砭高洞要原卑入無間
咸出胸臆所自得垂世訓誡而列之程典者也
迺知翁學有本哉視膚末勦和而束隘一隅者
相距遠也尚肯弊弊焉以文字專業以觚槩自
見乎噫此足以觀翁矣

隆慶戊辰春日後學彭輅撰

跋

先生學務端本少從海昌祝虛齋游因與吳南
谿友善南谿學一如先生資麗深矣徐東濱每
稱先生曰安靜粹怡君子哉予生也晚荷不鄙
夷每捉臂高談移日鑿鑿皆經世理身要言歎
予姑夫張白川以速仕缺遵養益仰先生敦本
之實云晚與董從吾及碧里子玉芝上人結海
門社會洞明性命之學以故其測語推見至蹟
竟悟先天之微剖析精矣予喜海上理學之精

者先生暨碧里董子誰與拾級也宜其季子齋傳之父贇子孝不相映發哉予懿好之公贅數語於末簡

萬曆甲戌秋望同邑後學王文祿跋

余大父謝政歸田脩里居之政其於今曩片語暨平日所睹記爲子孫可鑒可法者輒手錄以昭示後人故臨江集外更有測語非徒腕下陳言也先君與嘉則沈先生評而隲之久矣晚復與叔祥姚君商確甫定未及殺青

而先君溘焉朝露遂遺此一段未了公案是以習先大父者知有臨江集而不知有測語習先君者以爲讀臨江集見懋毅爲孝子而亦不及測語昔眉公陳先生手牘索覽先君以未獲請政爲恨今久藏家塾中幾成魚蠹余乙卯秋日偶閱遺稿悲思先大父之格訓湮沒而不傳而先君紹述之深心幾因數片棗梨而泯泯也遂與子姪世奎世越千秋共爲校訛手摹以授剞劂聊以成先君之志并

以彰大父之遺言云爾萬曆乙卯冬日孫男
 應吉孺穀識

